



## ANKESË

Sipas Nenit 108A të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Për: Organin Shqyrtues të Prokurimit

Për aktivitetin e prokurimit: "Furnizim me pllomba për Doganën e Kosovës"

Nr. i Aktivitetit të prokurimit: 201 13300-20-2108-1-1-1

Nr. i brendshëm: 2011.133.20.023.111

1. Identifikimi i OPERATORIT EKONOMIK : "CAR4YOU.shpk"

(Shëno emrin e plotë të kompanisë suaj)

Vrelle – rruga e vjeter e aeroportit, Lipjan

(Adresa)

Lipjan

(Vendi)

(Kodi postar) 14000

(Numri Telefonit) 049210 100

(Numri i Faks-it)

(Emri i plotë i përfaqësuesit të kompanisë suaj) Bujar Shatri

(Adresa elektronike) [bujar.shatri@gmail.com](mailto:bujar.shatri@gmail.com)



27.07.2020

(Data e parashtrimit të kërkesës)

(Nënshkrimi dhe vula)

## 2. Identifikimi i avokatit

Parashtruesi i kërkesës mund ta parashtroj kërkesën vetëm ose përmes avokatit të tij. Nëse kërkesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të kërkesës)

(Nënshkrimi dhe vula)

### 3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar " Njoftimi për Kontratë" apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

-Njoftimi për kontratë në KRPP është bërë me 22.05.2020,  
-Afati i fundit për dorëzimin ofertave ka qenë me dt.22.07.2020  
-Lloji i kontratës furnizim,  
-Kriter për dhënien e kontratës tenderi i përgjegjshëm qmimi më i ulët  
-Kërkesa për ri-shqyrtim me dt.15.07.2020,  
-Vendimi mbi refuzimin e kërkesës për ri-shqyrtim me dt.17.07.2020

### 4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☒

Jo ☐

AK-Doganat e Kosovës me dt.17.07.2020 na njoftojn me vendimin mbi refuzimin e kërkesës për ri-shqyrtim të cilin e kemi parashtruar me dt.15.07.2020, lidhur me aktivitetin e prokurimit : "Furnizim me pllomba për Doganën e Kosovës", nr.i aktivitetit të prokurimit: 201 13300-20-2108-1-1-1. Në vendimin e tyre si arsyetim AK-Doganat e Kosovës gjejnë se toleranca e prej +-1mm është e mjaftueshme dhe gjithëpërfshise, se sqarimet dhe plotësimet e DT përmbushin qëlimin e këtij aktiviteti të prokurimi. Mbështetur në dispozitat e nenit 109 të LPP-ë parashtrojmë ankesë kundër këtij vendimi sepse AK nuk ka dhënë arsye bindse se specifikat teknike përkatsisht dimensione të trupit të pllombes lidhur me aktivitetin e prokurimit për tenderin: "Furnizim me pllomba për



*Doganën e Kosovës”, nr.i aktivitetit të prokurimit:201 13300-20-2108-1-1-1. janë në pajtim me parimin e mosdiskriminimit dhe barazisë në trajtim si dhe përfshirjen e konkurrencës dhe gjithëpërfshirjes.*

##### **5. Njoftimi mbi Eliminimin e Tenderuesve, nëse aplikohet**

*A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?*

Po ☒

Jo ☐

##### **6. Dispozitat e shkelura nga Autoriteti Kontraktues**

*Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.*

*Andaj AK me rastin e refuzimit të kërkesës tonë për ri-shqyrtim si të pa bazuar dhe mos lejinin e ndryshimeve të këtyre dimensioneve për këtë aktivitet të prokurimit të lartë cekur ka vepruar në kundërshtim me dispozitat e neneve të LPP-së si më poshtë:*

*Nenin 1,*

*Neni 7,*

*Nenit 27,*

*Nenit28,*

*Nenin 108A të LPP-së*

*Neni 20 i RUOPP,*

##### **7. Deklaratë detale mbi faktet dhe argumentet**

*Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të kërkesës suaj për rishqyrtim.*

*Nga autoriteti kontraktues Doganat e Kosovës në kërkesën tonë për ri-shqyrtim kemi kërkuar dimensionet e pllombës me dimensionet e kërkuara : gjatësi 2,6 cm; gjerësi 2,2 cm dhe 0,6 cm trashësi.janë në kundërshtim me nenin 28 të LPP dhe nenin 20 të RUOPP dhe kemi kërkuar që këto dimensione të jenë +-3mm me qëllim që të ketë konkurrencë dhe gjithëpërfshirje si dhe ti mundësohet edhe prodhuesve dhe OE tjerë pjesëmarrje në këtë*



aktivitet të prokurimit.

AK-Dogant e Kosovës në pajtim me nenin 108A të LPP-së kanë pas mundësin që të bëjnë ndryshime lidhur me këto dimensione ashtu siq e lejon kjo dispozitë ligjore e cila ja jep këtë të drejtë AK që në këtë fazë të kompletojnë DT dhe specifikat teknike.

Nga përgjigjja e tyre të dhënë në vendimin e dt.17.07.2020 AK nuk jep sqarime dhe përgjigje se dimensionet e përcaktuara janë konform LPP duke mos dhënë informacione se ka prodhues dhe OE të mjaftueshëm që prodhojnë dhe furnizojnë me këto pllomba me dimensionet e kërkuara nga AK.

Nga kërkimi ynë në internet kemi gjetë se dimensionet e kërkuara me tolerancën e lejuara nga AK  $\pm 1\text{mm}$  i përshtaten vetëm prodhuesit dhe OE i cili është duke realizuar kontratën paraprake në Doganat e Kosovës dhe ky prodhues është Shanghai Xinfan Industries Corporation - TSS është pllomba e prodhuesit aktual që e furnizon Doganën ku shihet dimensionet e sakta që janë kërkuar në DT dhe NJPK.

Dyshimet tona se AK ka kërkuar këto dimensionet vetëm me qëllim të favorizimit të OE dhe prodhuesit i cili ka kontratën me Doganat e Kosovës është evidente dhe kjo shifet nga refuzimi kategorik se toleranca lejohet vetëm  $\pm 1\text{mm}$  e përcaktuar edhe me vendimin mbi refuzimin e kërkesës sonë për i-shqyrtim.

AK nuk jep sqarime dhe informacione se sa prodhues dhe OE tjerë i plotësojnë këto dimensionet të kërkuara, nuk mjafton arsyetimi se me tolerancën  $\pm 1\text{mm}$  AK ka përmbushur kërkesat e nenit 28 LPP dhe 20 të RUOPP.

Lidhur me atë se këto kërkesa janë përgaditur për prodhuesin dhe OE i cili është duke furnizuar doganat e Kosovës, panelit shqyrtues i dorëzojmë informacione si më poshtë.

**Provë: Të dhënat e prodhuesit i cili furnizon Doganën e Kosovës me pllomba.**

Po ashtu gjatë kërkimit në internet kemi gjetur edhe disa prodhues tjerë por asnjë nuk i përmbush kërkesat e AK me këto dimensionet dhe nuk qëndrojnë arsyetimi i AK se me këto dimensionet ka gjithëpërfshirje.

**Provë: Të dhënat e prodhuesve tjerë i kemi edhe ne tender.**

**Panelin Shqyrtues e njoftojmë edhe me dy qëshije të rëndësishme që AK ka vepruar në kundërshtim me qëllimin e këtij aktiviteti të prokurimit.**

-Në DT dhe në NJPK me rastin e publikimit nuk është kërkuar fare dimensionet të pllombës, këto dimensionet janë vendosur pas pyetjeve sqaruese ku sigurisht me insistimin e prodhuesit dhe OE i cili furnizon aktualisht Doganat e Kosovës me pllomba dhe

-Me rëndësi të veçantë për natyrën e këtij aktiviteti është siguria e pllombës, AK Doganat e Kosovës duhet i kushtojnë rëndësi kësaj kërkesë ashtu siq kanë kërkuar standardet ISO për këtë aktivitet të prokurimit.

Standardi ISO 17712:2013 vendos procedurë standarde për klasifikim, pranim dhe tërheqje të pllombave mekanike të kamioneve dhe kontinjerve të mallrave. Ai siguron një burim të vetëm të informacionit mbi pllombat mekanike të cilat janë të pranueshme për sigurimin e kontinjerve të mallrave në tregtinë ndërkombëtare.

Nga kjo gjejmë se rëndësishme është siguria e pllombës dhe nuk janë madhësia e pllombës sepse edhe vetë Doganat e Kosovës në fillim nuk i kanë kërkuar dimensionet të pllombës sepse nuk ka se çfarë madhësie janë por primare është siguria e saj.

**Panelin Shqyrtues e njoftojmë si më poshtë edhe me kërkesë tonë për ri-shqyrtim të parashtruar pranë AK:**

Ne si OE i interesuar për këtë aktivitet të prokurimit kemi pranuar dosjen e tenderit me



qëllim të ofertimit, nga DT dhe në veqanti specifikimet teknike kemi gjetur se dimensionet e trupit të pllombes janë në kundërshtim me nenin 28 të LPP dhe nenin 20 të RUOPP.

AK-Doganat e Kosovës në specifikacionet teknike ka kërkuar që trupi i pllombës duhet të ketë këto dimensione: gjatësi 2,6 cm; gjerësi 2,2 cm dhe 0,6 cm trashësi.

Lidhur me këto dimensione të trupit të pllombës AK i janë parashtruar kërkesa dhe pyetje sqaruese për të ndryshuar përkatsisht të caktohet një tolerancë e arsyeshme e cila do të mundësojë pjesmarrje më të gjerë të OE të interesuar dhe prodhues tjerë të cilët me këto dimensione nuk mund të ofertojnë me prodhimet e veta.

Kufizimi me tolerancë prej  $\pm 1\text{mm}$  nuk e zgjeron konkurrencë dhe nuk përket me qëllimin e prokurimit sepse dimensionet e trupit të pllombës nuk janë përcaktuese në efektin e sigurisë dhe qëllimit të këtij aktiviteti të prokurimit, ashtuqë ne kemi kërkuar që dimensionet e trupit të pllombës të jenë  $\pm 3\text{mm}$  me qëllim të pjesmarrjes së më të gjerë të prodhuesve tjerë, përderisa specifikat tjera teknike të jave të njëjta me ato që ka kërkuar AK siq janë gjatësia e telit si dhe standardet e sigurisë.

AK me këtë rast ka kufizuar konkurrencë dhe është përcaktuar për prodhues të caktuar nuk mund të ketë siguri në pllombë vetëm nga madhësia por ajo përcillet edhe nga elementet, pjesët përcjellëse tjera të cilat e kanë efektin dhe qëllimin e saj sidomos nga materiali i saj, metali, siguresa e tjera, madhësia e pllombës mund të jetë edhe më e vogël por edhe më e madhe se dimensionet e kërkuara dhe të ketë efektin e njëjtë, nëse kemi një aprovim  $\pm 3\text{mm}$  në aspektin vizuel fare nuk vrehet sepse nuk kemi të bëjmë me një ndryshim në madhësi në cm por në milimetra.

Konsistenca e AK në dimensionet e përcaktuara duke lejuar ndryshim vetëm në  $\pm 1\text{mm}$  na lënë të dyshojmë se AK është i përcaktuar për OE dhe prodhues të caktuar dhe nuk lënë hapësirë për prodhues dhe OE tjerë, AK është i obliguar të mundësojë pjesmarrje sa më të gjerë të OE dhe prodhuesve tjerë që pretendojnë të ofertojnë këtë aktivitet të prokurimit.

**Nga të cekurat më lartë gjejmë se AK me rastin hartimit të DT dhe specifikat teknike dhe refuzimin e kërkesës për ri-shqyrtim ka bërë:**

**-Shkelje esenciale të dispozitave të Ligjit për Prokurim Publik.**

Se ka shkelje të dispozitave të LPP vrehet qartë sepse nuk ka lejuar gjithë përfshirje dhe mundësi OE dhe prodhuesve tjerë që nuk i kanë produktet e tyre këto dimensione lidhur me këtë nenin 28.2 të LPP e qartëson shprehimisht citat:

**”Autoriteti kontraktues do t’i përpilojë specifikimet teknike në atë mënyrë që ato të jenë në përputhje me qëllimin e prokurimit dhe të drejtuara drejt sigurimit të qasjes sa më të mirë për të gjithë operatorët e interesuar ekonomik dhe tenderuesit. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik”.**

Po ashtu edhe dispozitat e nenit 20.3 të RUOPP po ashtu e përkufizon dhe e detyron AK që të hartojë specifikat jo diskriminuesë siç i kësaj dispozite:

**“Specifikimet teknike do të përshkruajnë dhe përkufizojnë në mënyrë jo diskriminuese karakteristikat e obligueshme të objektit të kontratës siq janë të dizajnit, dimensionet, siguria, siguri i cilësisë, terminologjia, simbolet, testimi dhe metodat”.**

AK-me rastin e ri-shqyrtim nuk ka vepruar konform nenin 108A të LPP sepse AK ka të



*drejtë dhe mundësi në ndryshimit të DT dhe NJPK në këtë fazë, e po ashtu ti përgjigjet dhe të jep arsyeshmëri bindëse në refuzin e kërkesës për ri-shqyrtim se cilat janë arsyet e përcaktimit për këto dimensione.*

*AK-Dogandat e kosovë me rastin e përcaktimit të specifikave teknike ka ra ndesh po ashtu edhe me nenin 7 të LPP-së e cila dispozit e rregulon këtë qështje specifikisht citat i 4 paragrafeve të këtij neni:*

*“1. Autoriteti kontraktues do ti trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente.*

*2. Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shume operatoreve ekonomik.*

*3. Pa e cenuar paragrafin e mësipërm, autoritetit kontraktues posaçërisht i ndaloheq që të përcaktojë nevojat e veta që duhet të përmbushen, specifikojë lëndën që do të prokurohet, ndajë ose përmbledhë sasi të ose artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatorëve ekonomik.*

*4. Autoriteti kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik.*

*Po ashtu AK është i detyruar që me alikimin e proceduarve dhe veprimet e ndërrmarra të rrespektoj nenin 1 të këtij Ligji i cili i detyron AK që me rastin e zhvillimit të aktiviteteve të prokurimit të siguroj transparencë dhe mënyrë efektive të shfrytëzimit të fondeve publike citat i nenit 1.1 të LPP:*

*“1. Qëllimi i këtij ligji është të siguroj mënyrën më efektive, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla”.*

*Nga të cekurat më lartë gjejmë se këtë aktivitet të prokurimit e ka përcjell jo transparenca, favorizimi dhe diskriminimi, OE kanë kërkuar që të ketë ndryshim në specifikat e kërkuara që nënkupton se nuk jemi vetëm ne që kemi kërkuar dhe kërkojm ndryshim të këtyre dimensioneve por edhe OE tjerë të cilët janë dëmtuar.*

*Mos ndryshimi i këtyre dimensioneve e ri-përsërisim edhe njëherë se favorizon prodhues të caktuar e që kjo përjashton konkurrencën dhe tregun e lirë.*

*Neve si OE na shtyn të dyshojmë se këto specifikime teknike i jep mundësi OE dhe prodhuesve që të kenë qmime të larta dhe manipulative të cilët do të përdorin këtë shansë që qmimet të mos jenë konform qmimeve reale të tregut, një mundësi të tillë ju ofrohet me qëllim dhe përkrahje të AK.*

*AK nëse është përcaktuar për prodhues të vetëm dhe të caktuar atëherë është dashur të zgjedh procedurën e negociuar pa publikim të njoftimit ashtu siq rregullohet me dispozitat e nenit 35 të LPP dhe jo të përdorë procedurë të hapur e në anën tjetër të kufizoj*



*pjesmarrjen me specifika diskriminuese dhe favorizuese.*

***AK-Doganat e Kosovës duhet të kërkojnë që siguria e plllobës të jetë parsore dhe pllomba se qfar madhësie është sepse madhësia e plllobës nuk e përcakton sigurin dhe arritjen e qëllimit të kërkuar.***

*Andaj Paneli Shqyrtues me rastin e shqyrtimit të kësaj ankese lidhur me aktivitetin e prokurimit :“Furnizim me pllomba për Doganën e Kosovës”, nr.i aktivitetit të prokurimit:201 13300-20-2108-1-1-1 të merr këtë*

### **V E N D I M**

*1.Aprovohet si e bazuar ankesa e OE““CAR4YOU”shpk ,nga Lipjani lidhur me aktivitetin e prokurimit për tenderin:“Furnizim me pllomba për Doganën e Kosovës”, nr.i aktivitetit të prokurimit:201 13300-20-2108-1-1-1.*

*2.Obligohet AK-Doganat e Kosovës që të ndryshoj dimensionet e plllobës dhe lejohet +-3mm prej dimensioneve të kërkuara në DT për aktivitetin e prokurimit për tenderin:“Furnizim me pllomba për Doganën e Kosovës”, nr.i aktivitetit të prokurimit:201 13300-20-2108-1-1-1 dhe lënda kthehet në ri-vlersim.*

## **8. Dëmet materiale**

*Përkruaj mënyrën se si shkelja e supozuar ka shkaktuar ose kërcënohet t’iu shkaktojë dëme materiale, ne rast se përfshini pretendime për kompensim.*

*Ne konsiderojmë se dëmet materiale janë humbja e kontratës me të cilin pësojmë në aspektin financiar,  
Shpenzimet e përgaditjes së tenderit,  
Sigurimi i tenderit,  
Shpezimet e ankesës.  
Largimi nga tregu që për ne paraqet dëm në prespektiv dhe imazh të kompanisë tonë  
Fitimi i planifikuar për këtë tender*

## **9. Lista e dokumenteve (dëshmime) të bashkangjitura**

*Nëse aplikohet, bashkëngjitni kërkesës dokumentet e renditura më poshtë:*

- a) një kopje të publikimit të “Njoftimit për Kontratë” apo “Njoftimit për Konkurs të Projektimit.*
- b) një kopje të publikimit për “Njoftimin e Dhënies së Kontratës” apo “Njoftimin për Rezultatet e Konkursit të Projektimit” apo “Njoftimit për Anulim”.*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet.*

